

無能得損害 由無所害故 智都無所解  
如是行相中 說名爲正行 又復諸智者  
住少欲功德 於此正法中 相應善脩作  
若諸善安住 行威儀正行 而於所向方  
隨應得清淨 以所向清淨 知如是正法  
則能於處處 了有情心意 又復諸智者

因三

八

了彼心意已 如是行相中 而能宣正法  
又此甚深法 通達勝義諦 於如是義中  
而常獲決定 又復諸智者 多聞如大海  
以是最深廣 行無量功德 不假文與義  
能通達正理 於無量文義 獲堅固不動  
復次舍利子菩薩摩訶薩行勝慧波羅蜜多

行時於此菩薩藏正法殊勝義利聞已乃至  
廣爲人說而能獲得勝慧光明於諸法中無  
明黑暗盲瞞翳障悉能除滅於勝慧光速獲  
成就善不善法如實了知乃至命終諸不善  
法畢竟斷除聞諸善法如所覺悟於善寂默  
而能宣說

亦時世尊欲重宣此義說伽陀曰  
譬如入暗處 現前諸色相 彼眼不可見  
於善不善法 以火能破暝 如是現在劫 彼有生死人  
於罪不應作 及除非義利 速能趣涅槃  
樂親近師友 增長於聞慧 彼慧清淨故  
獲得妙樂義 彼聞義智者 見非法出離  
於淨法勇猛 得殊勝妙樂 若於菩薩藏  
聞已住法性 光明照世間 真行菩提行  
不假文與義 光明照世間 真行菩提行  
於無量文義 得殊勝妙樂 若於菩薩藏  
獲堅固不動 光明照世間 真行菩提行  
能通達正理 佛說大乘菩薩藏正法經卷第三十三  
復次舍利子菩薩摩訶薩行勝慧波羅蜜多  
復次舍利子若菩薩摩訶薩行勝慧波羅蜜  
多行時於菩薩藏正法殊勝義利清淨樂欲  
而於受持讀誦正法者應當發起善知識想

西天譯藏銀青光祿矣試光祿卿慈覺禪光大師賜榮沙門守護等奉譯

佛說大乘菩薩藏正法經卷第三十四 四  
勝慧波羅蜜多品第十一之二  
復次舍利子若菩薩摩訶薩行勝慧波羅蜜  
多行時於菩薩藏正法殊勝義利清淨樂欲  
而於受持讀誦正法者應當發起善知識想

因四

一

勇猛精進正攝受心爲欲發彼正願及四正  
斷於一切法相應得無障礙

尔時世尊欲重宣此義說伽陀曰

尊重善知識 得爲說法師 作彼聽法衆  
常住於正行 不惜其身命 精勤而最上  
安住實智中 得勝慧清淨 自了知正法

淨信無不達

由覺出離故

如佛廣開示

亦如諸智者 善達文句義

常脩清淨行

得頽諸學位 所有染淨分

皆悉無所著

以無所著故 於法而無減

由精進樂欲

身速獲輕安 智增無先念

聽聞是法已

常住於智念 了善不善法

由學最上乘

通達念慧力 知彼有情意

如我於長夜

以學是法故 得勝慧清淨

了有情意已

爲開示正法

復次舍利子菩薩摩訶薩於勝慧波羅蜜多  
微妙清淨光明法門及諸聖者發起正見如  
佛所說而脩行之以二因緣當如是學何等

爲二一者獲佗言音二者謂自作意若諸菩  
薩於相應行菩薩藏正法不能聽聞聽已於  
深法律三摩地門而得少分歡喜知足者應  
知彼是懷增上慢墮魔網中於生老病死憂  
悲苦惱及隨煩惱著五欲樂輪回相續如來  
以是說彼有情隨順有漏無能解脫舍利子  
若有親近法師於此正法聽已了知而不作  
罪遠非義利增長聞慧見妙涅盤清淨勇猛  
得勝妙樂如是菩薩摩訶薩當知是爲於此  
菩薩藏正法希有法律殊勝義利受持讀誦  
乃至聽聞廣大開示爲佗人說得相應行  
復次舍利子若菩薩摩訶薩於此菩薩藏正  
法若不聽聞無能獲得彼相應意而與聖道  
極相違故如來以是說彼有情於老死解脫  
而常作意云何是相應意謂此菩薩摩訶薩  
遠離相應及不相應是相應意於相應意得  
無增語又菩薩相應意謂於音響無能發起  
諸阿羅漢亦無能發然彼所出音響了不可

因四

二

得於前際後際隨所伺察當云何生至何所滅若通達過去所說音響則過去已滅若通達未來所說音響則未來未至若通達現在所說音響則現在不住如是已說未說當說編一切處尋求俱不可得於相應意當如是學舍利子若菩薩相應意如是學者云何觀

察謂此菩薩觀一切法自性本滅觀一切法自體本寂觀一切法自性平等觀一切法畢竟不生觀一切法畢竟不起觀一切法畢竟不集觀一切法畢竟無滅於此時分說如實觀亦非所觀如是非所觀非不所觀說此是名爲觀察意當如是學若有菩薩於此正法

見中由是獲得正出離行又復正出離行以何爲因謂一切法即爲佛法是故欲求正出離行應當於此菩薩藏正法殊勝義利受持讀誦聽聞爲他人說乃至於此正法得相應意是名正出離行

復次舍利子若菩薩行勝慧波羅蜜多行時

困四

三

於此微妙清淨光明法門正善覺悟於意處觀察生入解意何等意處云何入解謂此菩薩於三摩地加持處毗鉢舍那尋伺處最上希望處心樂欲處相續不斷處無常處因緣處緣生處無我無人無壽者處無住無不住無去無不去處不集不壞因果處空無相無願慣習處非空無相無願所取處三摩地三摩鉢底所取處非依三摩地三摩鉢底發生於此諸法正見即如如見云何諸法即如如見所謂無見如是無見即不生增語不生增語則不積集云何不積集謂於增語而無有對如來以是所說觀察諸行無生無作於正

一切戯論處不捨善巧方便處如是諸法皆

生入解舍利子說此是爲意處入解

復次舍利子於彼意處云何說爲正理道所謂以意是道以門是道以因是道以合集是道以不相違是道以無諍論是道以捨是道無入無不入是道無戯論是道

無毀訾是道不增是道不減是道不生是道無所轉易是道無所對治是道真如是道實際是道如來是道無別異是道如如是道三世平等是道分別不住色受想行識是道不住眼界色界眼識界是道不住耳界聲界耳識界是道不住鼻界香界鼻識界是道不住

舌界味界舌識界是道不住身界觸界身識界是道不住意界法界意識界是道隨順勝義是道隨順正智是道隨順了義契經是道隨順正法是道舍利子說此是名爲正理道又菩薩摩訶薩以入解意於正理道由是觀察即無所觀如是非觀察非不觀察說此是

名爲觀察意

舍利子若菩薩摩訶薩以相應意於此正法而有癡曠謂言是法非解脫門斷諸勤勇不能起增勝無所通達而於彼意悉不相應又諸有情如是正見即如如見又復云何爲如如意見所謂無見無見則不生增語乃至無所對

四

名如前廣說於此菩薩藏勝慧波羅蜜多之行當如是學

又復於意無我於一切法無我亦然若一切法無我則於諸有情無我亦然如是觀察是觀察意又輪回界與涅槃界平等相應如是煩惱體性與一切法體性相應彼相應與不相應都無所著於觀察意而得勝解乃至菩薩所有相應無餘加持一切有情而不棄捨加持正法而無相違舍利子說此是爲菩薩摩訶薩獲相應意所聞之相於意入解如是觀察彼如如見勝慧不動

復次舍利子菩薩摩訶薩行勝慧波羅蜜多

行時得勝慧住於一切有爲法而不共故所謂無明乃至老死悉不共住又於薩迦耶見乃至本末六十二見悉不共住世間八法若毀若譽悉不共住五蘊十二處十八界乃至一切攀緣悉不共住又於慢增上慢邪慢乃至二十隨煩惱悉不共住又於上中下品若

麤若細乃至一切煩惱悉不共住又於癡闇

盲瞑翳障繫繫等處乃至一切下劣分法悉不共住又於煩惱魔蘊魔天魔死魔乃至一切魔業悉不共住又於我人衆生壽者養者士夫補特伽羅意生儒童乃至一切我見悉不共住又於業障煩惱障法障見障報障智

四

五

障乃至一切相續習氣悉不共住又於相障思惟分別見聞覺知諸所纏縛悉不共住又於慳貪布施毀戒持戒瞋恚忍辱懈怠精進散亂禪定惡慧勝慧乃至一切波羅蜜多有無對治是智非智悉不共住又於一切僻報常與無常善與不善有罪無罪輪回涅槃乃

至一切邪對治法悉不共住又於種種佛法種種利土種種有情悉不共住又於世俗勝義有智無智乃至一切有情作意相等悉不共住又於勝慧勝行有爲體相乃至一切住心意識所造作者悉不共住舍利子是爲善薩摩訶薩勝慧波羅蜜多之行於如是無量

有爲行法悉不共住

復次舍利子菩薩摩訶薩行勝慧波羅蜜多行時於菩薩藏而能安住於一切法以勝慧決擇而能獲得十種善巧何等爲十一者蘊善巧二者界善巧三者處善巧四者諦善巧五者正知善巧六者隨順善巧七者智識善

巧八者菩提分善巧九者聖道善巧十者緣生善巧云何名蘊善巧謂此五蘊如聚沫如水上泡如陽燄如芭蕉如幻如夢如空谷響如影如浮雲如鏡中像謂色蘊者猶如聚沫彼聚沫中無我無人無衆生無壽者無士夫無意生無儒童若世間體性如是則色蘊體

性亦復如是說此是爲色蘊善巧謂受蘊者如水上泡彼水泡中無有我人衆者壽者士夫意生儒童若世間體性如是則受蘊體性亦復如是說此是爲受蘊善巧謂想蘊者猶如陽燄彼陽燄中無有我人衆生壽者乃至說此是爲想蘊善巧謂行蘊者猶如芭蕉彼

芭蕉中無有我人衆生壽者乃至說此是爲行蘊善巧謂識蘊者如幻於彼幻中無有我人衆生壽者乃至說此是爲識蘊善巧

又復說此五蘊是彼世間剎那變異壞滅之相若此世間體性如是則彼世間體性亦然

云何體性所謂苦無常性彼蘊體性亦復如

四

六

是舍利子說此是爲菩薩摩訶薩於勝慧波羅蜜多之行而能獲得諸蘊善巧

又復云何名處善巧所謂地界即法界法界

無麤澀相水界即法界法界無柔軟相火界

即法界法界無溫熱相風界即法界法界無動轉相眼識界即法界法界無瞻視相耳識

界即法界法界無對表聲相臯識界即法界法界無能觀香相舌識界即法界法界無能了味相身識界即法界法界無能覺觸相意識界即法界法界無能觀察相如是自體界與法界無二無別又復欲界色界無色界無二無別輪回界涅槃界無二無別此空界一

切法界無二無別由性空故離分別故無二無別以入解有爲界則入解無爲界乃至說無量界如是決擇入解舍利子說此是爲菩薩摩訶薩於勝慧波羅蜜多之行而能獲得諸界善巧

又復云何名處善巧謂此眼處本空及耳臯

舌身意處本空彼無有我亦無我所彼菩薩如是於眼體性乃至於意體性如實了知則無處決擇無種種決擇無善決擇於善不善法無二相轉說此是名爲處善巧

又此處善巧謂眼處色處如是眼見於色而生厭離如是厭離則非正行又彼耳處聲處

臯處香處舌處味處身處觸處意處法處如是乃至意識而生狀離如是狀離則非正行又復菩薩於聖道處非聖道處皆應積集成證大悲於諸險難非聖道處諸有情類令住正道於其道處亦不棄捨舍利子說此是爲菩薩摩訶薩勝慧波羅蜜多之行而能獲得

因四

七末

諸處善巧 又復云何名入解諦善巧此

諦善巧復有四種所謂苦智集智滅智道智云何苦智謂不起蘊故是爲苦智云何集智謂離愛集故是爲集智云何滅智謂滅已不生故是爲滅智云何道智謂於平等法無平等可得故是名道智若菩薩於此四諦如是

智慧而不作證成熟有情說此是爲諦善巧又諦善巧復有三種所謂世俗諦勝義諦相諦云何世俗諦謂諸想像音聲語言文字乃至世間所行是爲世俗諦云何勝義諦謂心無所緣況復文字是爲勝義諦云何相諦謂諸相一相一相無相是爲相諦彼菩薩於世

俗諦說無疲倦於勝義諦不失正行於相諦中隨順無相是真實相說此是爲菩薩於諦善巧又復一諦此無二種所謂寂諦此實一諦於諸平等及不平等而能隨轉真妙作用而能獲得於諦善巧

佛說大乘菩薩藏正法經卷第三十四 因四

佛說大乘菩薩藏正法經卷第三十五 因五

西天譯經三藏銀青光耀大乘試光釋迦密覺傳梵大師賜榮膺清淨護等奉譯

勝慧波羅蜜多品第十一之三

復次舍利子菩薩摩訶薩獲得如是於諦善巧由此了知五蘊是苦若令五蘊苦相止息猶如虛空是苦聖諦又此五蘊隨感愛見若

一

尚華

令執取愛見等因不起合集爲集聖諦又此五蘊畢竟滅盡若令前際不生後際不起現在不住爲滅聖諦若於苦智集智滅智而能證達以智相續能善調伏引趣正行為道聖諦又復於此諸諦現觀而能尋伺編盡觀察是爲菩薩摩訶薩於諦善巧又復了知諸受